

SL-NA 13 INFERNUKO ERROTA

Orabidea (Irigoiengo borda) – Etxebertzea – Infernuko errota – Irigoiengo borda

Luzeera: 5,100 km

Desnibela: 125 mt

Zailtasuna: ERREZA

Orabidea Baztango Ipar Mendebaldean kokaturiko eremu zabala da, Legate eta Alkurruntz mendien magalean, Etxalar, Zugarramurdi eta Urdazubiko mugetan. Inguru ospela eta ohiana nagusi, hainbat baserri sakabanatu han hemenka ageri da, ongi zaindutako belagiez inguraturik eta abeltzantzari lotutako bizimoduari eutsiz. Mendetako isolamenduaren lekuko, Infernuko Errota ikusgarria erreka zokoaren gainean eraikia agertzen zaigu.

IRTEERA > Irigoiengo Borda baserriko bidegurutzea, Orabideako errepidearen 15 p.k.-an, Elbetetik (Bagordi), Arraiozko harrobitik, Otsondotik, Etxalartik eta Zugarramurditik errepide hestuetatik “Etxebertzeko Borda Jatetxea” norabidea segituz. Aparkaleku moduko zabalgunea eta baserrirako bidea. Ez dago ostalaritza zerbitzurik (gertuena, 1 km-ra, Etxebertzeko B^a-an).

OHARRAK

- Eguraldi bustiarekin errotako sarrera eta inguru oso irristakorra suertatzen ahal da.
- Errotatik bada Etxalarko Orizki auzoraino segitzea, SL-NA 13 ibilbidea segituz (ikus bukaeran “Etxalarko lotura”)

DESKRIBAPENA

0,000 km: IRIGOIENGO B^a BASERRIA, errepideko bidegurutzea (520 mt). Bide zabaletik 50 mt egin eta, baserrira iritsi gabe, gaineko bizkarretik abiatu (M.>). Iralekuan barnako bidexkatik malda behera pikua.

0,525 km: Konfluentzia baserritik datorren bidearekin. Bertatik jeitsi, eskuinera (I.>), erreka zokoruntz; 300 mt aurrerago Antxitoneko ardebordaren ondoan pasa.

1,310 km: ETXEBERTZEKO BORDA jatetxea (370 mt), bertan hazten diren amuarraiengatik ospetsua. Errekaren eskuinaldeko bide zabaletik zuzen segi, baserriko belagiak zeharkatu eta basoan sartu, haritz eta gaztainondo zaharrak nagusi.

1,775 km: Egurrezko zubitxo, eskuinetik datorren erreka zeharkatzeko, eta igoera txikia. Bidexka beti erreka zokoaren gainetik doala, bailara hestutzen da, gero eta ospelagoa. Pagadia nagusi, haltza eta gaztainondo zahar ugari.

2,475 km: Egurrezko zubitxo zeharkatu eta bidegurutzea: eskuinetik (I.M.>), Etxalarrera (SL-NA 13, ikus bukaeran, “Etxalarko lotura”); zuzen segi (M.>), ezkerrean zubi bat utziz.

2,550 km: INFERNUKO ERROTA (325 mt), harrizko eskailera irristakor batzu jeitsi eta gero. Errekaren gainean eraikia, Baztan eta Etxalarko muga, berriki moldatua izan da, lehengo tekniken arabera, eta tarteka arto jotzen dute. Inguru ospel eta heze honetan kontu haundiz ibili behar da. Itzulia bide beretik.

5,100 km: IRIGOIENGO B^a baserria (520 mt) eta errepidea. Ibilbidearen hasiera eta bukaera.

ETXALARKO LOTURA

SL-NA 13 ibilbidea segituz, eta 5 km-ko bidean barna, Etxalarko Orizki auzoko baserrietara iristen da. Horretarako atzera egin, errotara ailegatu baino 75 mt lehenagoko bidegurutzera.

2,475 km: Bidegurutzea; ezkerretik (M.>), errotara; eskuinetik igo (I.M.>), errotaren gainetik. Bidea zabaldu eta pinadi bat zeharkatzen du, erreka zokoa gaingituz.

3,950 km: Tarte zelai luze baten ondotik, eskuineko iralekutik jeisten den bidearekin bat egin. Bertatik jeitsi, gertu dagoen baserrira.

4,190 km: Baltanen B^a baserria (380 mt) edo Baztanen B^a, basoaren erdian eta belagiek, ardi bordak eta iralekuek inguraturik. Bide zabala eta eroso hasten da, pagadian barna, tarteka gaztainondo zaharren motzondo ikusgarriak ageri direlarik.

6,650 km: Ezkerretik datorren bidearekin bat egin ondoren, Altxata erreka (315 mt) zeharkatu y pista zabaletik igo. Zabortegi baten ondotik pasa eta basotik atera.

7,700 km: ORIZKI AUZOA (390 mt), Etxalartik Zugarramurdirako bideko 3. km-an, eskuinean aparkaleku moduko zabalgunea, babesik gabea. Ostalaritza zerbitzurik ez.